



UNIVERSITÄTS-  
BIBLIOTHEK  
PADERBORN

## **Collegium Universi Juris Canonici**

**Engel, Ludwig**  
**Salisburgi, 1693**

Privilegium Cæsareum Primum. Anno 1671. Die 29. Aug.

---

[urn:nbn:de:hbz:466:1-61596](https://nbn-resolving.org/urn:nbn:de:hbz:466:1-61596)

# PRIVILEGIUM CÆSAREUM PRIMUM.

ANNO 1671. Die 29. Aug.



LEOPOLDUS Divinâ favente Clementiâ electus Romanorum Impetator semper Augustus, ac Germaniæ, Hungariæ Bohemiæ, Dalmatiæ, Croatiæ, Sclavoniæ, &c. Rex, Archi-Dux Austriæ, Burgundiæ, Styriæ, Carinthiæ, Carniolæ & Wittenbergæ, Comes Tyrolis, &c. Agnoscimus & notum facimus tenore presentium universis, Quod cum Nobis Noster & Imperii Sacri fidelis dilectus Joannes Baptista Mayr, Aulico-Academicus Bibliopola & Typographus Salisburgensis humiliter exposuerit, se P. Ludovici Engel, Ord. s. Benedicti, J. U. D. & in Universitate Salisburgensi SS. Canonum Professoris Collegium universi Juris Canonici, recens ab eodem elaboratum publico æquè ac inprimis ejusdem Juris Studioforum bono ac commodo proprio sumptu ac prelo in lucem edere constituisse, veteri autem ne (quod fieri sæpè solet) alietiam Typographi questus causâ eandem editiosem magno suo dispendio fraudulenter imitentur, adeoque Nobis demississimè supplicârit, ut indemnitati suæ hac in parte benignè consulendo se Privilegio Nostro Cæs. prænuire clementer dignemur; Nos attenda tum Operis ipsiusmet utilitate tum supplicantis precum æquitate ipsi benignè annuerimus, simulque omnibus & singulis Typographis, Bibliopolis, aliisque quibuscunque rem & negotiationem librariam exercentibus inhibuerimus & veterimus, prout hiscè senò d. strictèque inhibemus & vetamus, ne quis eorum præter præd. Joannem Baptistam Mayr, ejusve hæredes memoratum Universi Juris Canonici Collegium intra sex annorum spatium, à prima editionis die computandum in Sacro Romano Imperio Regnorumque & Provinciarum Nostrarum hereditariarum finibus aut alio typo vel forma aut sub quovis vel additionis, correctionis aliòve prætextu sive in toto sive in parte recudere vel alio recudendam dare, alibi impressum apportare, vendere vel distrahere clam vel palam citra voluntatem & absque ipsius Joannis Baptistæ Mayr, ejusque hæredum expresso & in scriptis obtento consensu & licentia præsumat; Si quis verò secus faciendo Privilegium & interdictum hoc Nostrom Cæs. violare aut transgredi ausus fuerit, eum non modo ejusmodi libris perperam quippe recufis & adductis, si quos quidem præd. Mayr ejusque hæredes ubique deprehensos sive propriâ autoritate sive Magistratûs auxilio sibi vendicare poterant, de facto privandum, sed & pœnâ insuper trium marcarum auri puri Fisco Nostro Cæs. & fraudis Vindictæ ex æquo pendendâ, omni spe veniæ sublata, decernimus multandum. Dummodo tamen quaterna ad minus ejusdem libri exemplaria ad Cancellariam Nostram Imperialem Aulicam transmittantur. Mandamus proinde universis ac singulis Nostris & Sacri Imperii Regnorumque & Provinciarum Nostrarum hereditariarum subditis cujuscunque status, gradûs, ordinis aut dignitatis existant, tam Ecclesiasticis quàm secularibus, præterim verò iis, qui in Magistratu constituti, vel proprio vel superiorum suorum nomine & loco juris & justitiæ administrationem exercent, ne quemquam Privilegium hoc Nostrom Cæs. temerè & impunè transgredi aut violare patiantur: Quin potius contumaces quos competertint, præscripta pœnâ plecli aliisque modis idoneis coercere curent: quatenus & ipsi eandem multam evitare voluerint, Harum testimonio litterarum manu nostra subscriptarum & Sigilli Nostri Cæs. impressarum munitarum. Datum in Civitate Nostra Viennæ, die vigesima nona mensis Augusti, Anno Domini Millesimo Sexcentesimo Septuagesimo Primo, Regnorum Nostrorum Romani, decimo quarto, Hungarici, decimo septimo, Bohemici verò, decimo quinto.

LEOPOLDUS,

(L.S.)

V. Leopoldus Guilielmus  
Comes in Kiniglegg.

Ad Mandatum Sacre Cæsareæ  
Majestatis Proprium.

XX